



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap tallimangornermi ulloq 24. november 2006-imi aalajangiinera pillugu Naalakkersuisunut ilisimatitsineq - Suliaq nr. 01.31.06/06-00214

(Naalakkersuisut aalajangiinerat ulloq 14. november 2006, imm. 2)

Ilisimatusarfimmut aningaasaliissutissat immikkoortitat ilassutitut aningaasaliissutigineqarnissaat pillugu

Naalakkersuisut **inassutigaaat**,

kontumut pingaarnermut 40.12.33-mut, Ilinniartitaanernut ingerlaqqiffiusunut ilinniarsiit, aningaasaliissutit 318.000 kr.-inik appartinneqassasut kontumut pingaarnermut 20.11.50-imut, Ingerlatsineranut sillimmatit, aningaasaliissutit 318.000 kr.-inik qaffanneqassasut.

Aningaasaqarnermut Ataatsimiititaliap oqaaseqaatai

Landskarsip 2005-imut naatsorsuutai pillugit Kukkunersiuineranut Ataatsimiititaliap isumaliutissiissutaata aappasaaneerseqarnerani aningaasaliinissamik suliaq una taaneqarpoq (J.nr. 01.25.01/06EM-LABU-00008). Tulliuttut Kukkunersiuineranut Ataatsimiititaliap isumaliutissiissutaani atuarneqasinnaapput:

” 8.1.1.2 Ilisimatusarfik, qupp. 753

Kukkunersiuisut avataaneersut: 2004-mi suliffeqarfik ilassutinik aningaasaliiffigineqarsimavoq 400 t. kr.-inik aaqqissuussaarnermut aningaasaliissutinit nuunneqartunik, ilinniartitaanernut inuussutissarsiornermullu tunngasutigut immikkut ittumik anguniagassat piareersarnissaannut atugassanik. Aningaasaliissuteqarnermut tunngaviusoq erseqqissumik taaneqarpoq, pineqarluni inatsisilerineri sullissisut pikkorissartinneqarnissaat. Aningaasaliissutit ingerlatsineri aningaasaliissutitut nalinginnaasutut tunniunneqarput, taamalu ukiuni missingersuusiortusuni pisussat ilanngunneqarlutik. Suliffeqarfiulli 2004-mi aningaasaliissutit tamakkerlugit atorsimangilai sinneruttullu nalimmassaanermi kontomut ilisimallugit, kingusinnerusukkat atugassatut.

Tamanna oqaatigisariaqarpoq tassaasoq aningaasaliissuteqartarnermut aalajangersakkanik unioqqutitsinertut, ingerlatsineranut aningaasaliissutit ukiumi aningaasaliiffiusumi atorneqartussaammata, atorneqanngitsoortut kingusinnerusukkat sumut atorneqarsinnaanerit nalunaarutigineqareersimangippat. Taamaaliortoqarsimangilarlu matumani, taamaattumik isumaqarpugut aningaasat Nunap Karsianut utertinneqartariaqartut imaluunniit immikkut aningaasaliissutitut akuerineqartariaqarlutik.

...

Kukkunersuiusut nalunaarutaannut Naalackersuisut oqaaseqaataat:

...

Oqimaaqatigiissitsinermut kontomi aningaasanut sinnerisanut kingusinnerusukkut atugassanut inatsisilerinikkut sulianik suliarinninnermut ilinniarnermi malugineqarsimasunut tunngatillugu eqqarssaatersuutit inerniliinerillu KIIP-p isumaqatigai. KIIP Aningaasaqarnermut Ataatsimiititaliamut 2006-imi ilassutaasumik aningaasaliissuteqarnissamik qinnuteqassaaq, tassani immikkoortortamut aningaasaliissutit oqimaaqatigiissitsinermut kontomi aningaasat sinnerussat amerlaqataannik ikineqassallutik aningaasallu ingerlatsinermut sillimmatinut nuunneqarlutik.

Kukkunersuiuinnermut Ataatsimiititaliap oqaaseqaatai:

Aningaasaliuinnermut tunngavissaatitaasut saneqqunneqartarsimanerat Kukkunersuiuinnermut Ataatsimiititaliamit assut isornartoqartinneqarpoq. Kukkunersuiusut avataaneersut paasinninnerannut naapertuuttumik pissutsit iluarsineqarnissaat Naalackersuisut qulakkiissagaat ataatsimiititaliamit kaammattuutigineqassaaq.

Tamatuma saniatigut pissutsit kukkunersuiusut avataaneersut uparuagaat Kukkunersuiuinnermut Ataatsimiititaliamit isornartutut isigineqarput. Naatsorsuuserinermut ilitsersuummi nutarterisarnissamut, atsiortarnissamut il. il. maleruagassat immikkoortoqarfinit malinneqartarnissaat Naalackersuisut qulakkiissallugu akisussaaffigimmassuk ataatsimiititaliap aammaarluni uparuassavaa. Naalackersuisut oqaaseqaataat innersuussutigalugit aningaasat sinneruttut ingerlatsinermut sillimmatinut nuunneqarnissaannik qinnuiginninnermik imalimmik KIIP ilassutitut aningaasaliissuteqarnissamik 2006-imi Aningaasaqarnermut Ataatsimiititaliamut qinnuteqarsimanersoq taamaassimappallu qanga tamanna pisimanersoq paasissutissiissutigeqqullugu Naalackersuisut ataatsimiititaliamit malitseqartitsissutitut qinnuigineqarput.”

Kukkunersuiuinnermut Ataatsimiititaliap isumaliutersuutai siulii allanneqartut tamakkiisumik isumaqatigilluinnaramigit Aningaasaqarnermut Ataatsimiititaliap oqaatigissavaa. Ingerlatsiffiit pisorta qarfiup ataniittut ingerlaavartumik nakkutilliviginissaat Kultureqarnermut, Ilinniartitaanermut, Ilisimatusarnermut Ilageeqarnermullu Pisorta qarfiup annertunerusumik qulakkearniartussaagaa ersarissumik pisariaqartinneqartoq suliami matumani ersersinneqartoq Aningaasaqarnermut Ataatsimiititaliamit pingaartumik isumaqarfineqarpoq.

Ilisimatusarfimmi ilinniartinnilu allani aqutsisut aningaasaliisarnermi inatsisitigut maleruagassat nalinginnaalluinnartut qularnaannerusumik qanoq ilisumik ilisimaneqarnerulersinnaanerat, maannamut pisartunit ersarinnerusumik, Naalackersuisunit eqqarssaatersuutigineqassasoq ataatsimiititaliamit taamatuttaaq kaammattuutigineqassaaq.

Tamatuma saniatigut konto pingaarnermut 20.11.50-imut, Ingerlatsinermut sillimmatinut tunngasumut missingersuutinut ilanngussaq nassiunneqartoq Aningaasaqarnermut Ataatsimiititaliamut nassiunneqartinnani atuaqqissaarneqarsimananiluunniit nakkutillivigineqarsimanngitsoq ataatsimiititaliamit oqaatigineqassaaq. Tamanna

tunngavigalugu atortussat Aningaasaqarnermut Ataatsimiititaliamut nassiunneqartut
pitsaassutsimikkut qulakkeerneqarsimasussaammata ataatsimiititaliap aammaarluni
Naalakkersuisunut eqqaasitsissutigissavaa!

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit
akuersissutigineqarput.

Inussiarnersumik inuulluaqqusillunga

Ellen Christoffersen
Aningaasaqarnermut Ataatsimiititaliami siulittaasoq

Nuutinnera: Ilisimatitsissutitut Kukkuersiunermit Ataatsimiititaliaq